



插图本中国古代史料集成

(第一輯)

二三

綫裝書局



大明會典卷之六十二

禮部十九

朝服二

文武官朝服

朝服

凡

大祀慶成。正旦冬至。

聖壽及頒降開讀。

詔赦進奏傳。

制。則文武官各服朝服。凡其武官應直守衛者

不拘此服。

洪武二十六年定

文武官朝服。梁冠。赤羅衣。白紗中單。俱用青飾領緣。赤羅裳。青緣。赤羅蔽膝。大帶用赤白二色絹。革帶。佩綬。白襪。黑履。一品至九品。俱以冠上梁數分等第。

公冠八梁。加籠巾。貂蟬。立筆五折。四柱。香草五段。前後用玉為蟬。

侯冠七梁。加籠巾。貂蟬。立筆四折。四柱。香草四段。前後用金為蟬。

伯冠七梁。加籠巾。貂蟬。立筆二折。四柱。香草二

段前後玳瑁為蟬。俱左插雉尾。

駙馬冠與侯同。不用雉尾。

一品冠七梁。不用籠巾貂蟬。革帶與佩俱用玉。綬用綠黃赤紫四色絲織成雲鳳四色花錦。下結青絲網。綬環二。用玉。笏用象牙。

二品冠六梁。革帶綬環用犀。餘同一品。

三品冠五梁。革帶用金。佩用玉。綬用黃綠赤紫四色絲織成雲鶴花錦。下結青絲網。綬環二。用金。笏用象牙。

四品冠四梁。革帶用金。佩用藥玉。餘同三品。

五品冠。三梁。革帶用銀釵花。綬用黃綠赤紫四色絲織成盤雕花錦。下結青絲網。綬環二。用銀鍍金。笏用象牙。

六品七品冠。二梁。御史加獬廌。革帶用銀。佩用藥玉。綬用黃綠赤三色絲織成練鵲花錦。下結青絲網。綬環二。用銀。笏用槐木。

八品九品冠。一梁。革帶用烏角。佩用藥玉。綬用黃綠二色絲織成鷓鴣花錦。下結青絲網。綬環二。用銅。笏用槐木。

雜職未入流品人員若遇大朝賀進表。隨班行。

禮止用公服。三十年奏准。亦照九品官具朝服行禮。

嘉靖八年定

梁冠照舊式

上衣用赤羅青緣。其長過腰。指寸七寸。毋掩下

裳

中單。白紗為之。青緣

下裳七幅。前三後四。每幅三襞。積。赤羅青緣。紵膝綴革帶。

綬。各照品級花樣。革帶之後。佩綬繫而掩之。其

環亦各照品級用玉犀金銀銅為之。不以織於綬。


大帶。表裏俱素。惟兩耳及下垂緣以綠色。又用青組約之。

革帶。一品玉。二品犀。三品四品金。五品銀。釵花。六品七品銀。八品九品烏角。俱照舊式。


珮玉一如詩傳之制。去雙滴及二珩。其三品以上用玉。四品以下用藥玉。各照舊。

襪履俱照舊式。


景冠圖




上衣圖




中軍圖



下裳圖




蔽膝圖



綬圖



大帶圖



革帶圖

革帶圖